

Ո Ր Ո Շ ՈՒ Մ թիվ - 184
վարչական տույժ նշանակելու մասին

«30» հունիսի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Մոհամմադ Բագեր Մաադի Մարանդի վերաբերյալ նյութերը՝

Պ Ա Ր Զ Ե Ց Ի՝

2021 թվականի մայիսի 19-ին ՀՀ ՊԵԿ ՄԴՊ վարչության աշխատակիցները Մեղրիի մաքսային կետ-բաժնի մաքսային հսկողության գոտում զննության են ենթարկել ՀՀ-ից ԻԻՀ մեկնող ԻԻՀ քաղաքացի Մոհամմադ Բագեր Մաադի Մարանդի կողմից շահագործվող <<IVECO>> մակնիշի, 59E343/4-10 հաշվառման համարանիշի բեռնատար ավտոմեքենան, ինչի արդյունքում ավտոմեքենային կցված գլանաձև մետաղյա տարայում հայտնաբերել են մաքսային հսկողությունից թաքցրած ընդհանուր 5 հատ շան ձագ:

Փաստի առթիվ Մոհամմադ Բագեր Մաադի Մարանդի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն և իրականացվել է վարչական վարույթ, իսկ իրավախախտման անմիջական օբյեկտ համարվող 5 հատ շան ձագը, 2 հատ անասնաբուժական վկայականը վերցվել և ի պահ է հանձնվել ՄԴՊ վարչության շնագիտական բաժնում:

Վերոնշյալ 5 հատ շան ձագի շուկայական արժեքը 2021թ-ի մայիսի 19-ի դրությամբ որոշելու համար՝ 27.05.2021 թվականին նշանակվել է ապրանքագիտական փորձաքննություն, որի կատարումը հանձնարարվել է ՀՀ ԳԱԱ «Փորձաքննությունների ազգային բյուրո» պետական ոչ առևտրային կազմակերպության փորձագետին:

ՀՀ ԳԱԱ «Փորձաքննությունների ազգային բյուրո» պետական ոչ առևտրային կազմակերպության փորձագետի 22.06.2021թ. թիվ 21-0080 Պ եզրակացության համաձայն՝ 5 հատ շան ձագի շուկայական արժեքը 2021 թվականի մայիսի 19-ի դրությամբ կարող էր կազմել 1.050.000 ՀՀ դրամ:

Համաձայն ՀՀ ՊԵԿ Մաքսանենգության դեմ պայքարի վարչության արձանագրությունների՝ 25.05.2021թ-ին սատկել է 1 հատ <<Շիրու ինու>> և 31.05.2021թ-ին 1 հատ <<պուդել>> ցեղատեսակի շուն:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով: Մաքսային կարգավորման մասին օրենքի 73-րդ հոդվածի 2-րդ մասի համաձայն՝ ՀՀ սահմանով արտահանվող ապրանքի մաքսային արժեքը գործարքի գինն է, այսինքն՝ այն գումարը, որը փաստացի վճարվել է կամ պետք է վճարվեր ապրանքը արտահանելու նպատակով ձեռք բերելու և մինչև ՀՀ սահմանը տեղափոխելու համար: ՀՀ մաքսային օրենսգրքի 189-րդ

հողվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով: ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Մոհամմադ Բագեր Մաադի Մարանդի 2021 թվականի հունիսի 30-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի ներկայացել:

Սահմանային էլեկտրոնային կառավարման տեղեկատվական համակարգի տվյալների ուսումնասիրությունից պարզվել է, որ ԻԻՀ քաղաքացի Մոհամմադ Բագեր Մաադի Մարանդի գտնվում է ՀՀ սահմաններից դուրս:

Այսպիսով, նյութերով պարզվել է, որ 2021 թվականի մայիսի 19-ին ԻԻՀ քաղաքացի Մոհամմադ Բագեր Մաադի Մարանդին, մաքսային հսկողությունից թաքցնելով՝ բեռնատար ավտոմեքենային կցված գլանաձև մետաղյա տարայում, ՀՀ մաքսային սահմանով տեղափոխել է 1.050.000 ՀՀ դրամ մաքսային արժեքով 5 հատ շան ձագ, այսինքն՝ վերջինս թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, 19.05.2021թ-ի մաքսային գնման ակտով, ՀՀ ԳԱԱ «Փորձաքննությունների ազգային բյուրո» պետական ոչ առևտրային կազմակերպության փորձագետի 22.06.2021թ. թիվ 21-0080 Պ եզրակացությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ հոդվածով, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Մոհամմադ Բագեր Մաադի Մարանդին (անձնագիր՝ E47494603) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային


սահմանով տեղափոխված 5 հատ շան ձագի մաքսային արժեքի չափով՝ 1.050.000 ՀՀ դրամի չափով:

/վճարումը 900005024055 հաշվեհամարին/

2. Վերցված թվով 3 շները կարող են վերադարձվել տուգանքի վճարումից հետո՝ մեկ աշխատանքային օրվա ընթացքում:

3. Որոշման մասին հայտնել Մ. Մարանդին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ